



Broj T01 0 KT 0046501 24

Dana, 10.01.2025. godine

OPĆINSKOM SUDU U BOSANSKOJ KRUPI

Na osnovu odredbe člana 45. stav 2. tačka h, a u vezi sa odredbom člana 241. stav 1. i odredbom člana 350. stav1. i 2. ZKP-a F BiH, **p o d i ž e m** :

O P T U Ź N I C U

PROTIV:
M. S.

ŠTO JE

Dana 25.11.2024. godine oko 12,45 sati u naselju G. B., Općina B., na magistralnom putu M-4.3, u blizini pekare „L.“, nakon što je zaustavio p.m.v. vozilo marke Renault, tip Clio reg. oznaka, (...), direktno iz vozila, u suprotnosti sa članom 3. Zakona o zaštiti i dobrobiti životinja (Sl. glasnik BiH, br. 25/09 i 9/18), ispalio iz lovačke puške marke ČZ Brno, serijskog broja (...), jedan hitac u pravcu uličnog psa pasmine mješanac, kojeg je hicem pogodio, svjestan da na taj način može životinju izložiti nepotrebnoj boli, a što je i htio, nanijevši mu povrede grudnog koša, teška oštećenja prednjih ekstremiteta, smrskane kosti i pripadajućih tkiva, a zbog kojih prostrelnih rana, uslijed prevelikog oštećenja tkiva i ekstremiteta i iskrvarenja životinje, veterinar A. A. je psa na licu mjesta eutanizirao.

Dakle, protivno propisima nanosio nepotrebnu bol životinji.

Čime je počinio krivično djelo – Mučenje i ubijanje životinja iz člana 318. stav 1. KZ F BiH.

Na osnovu iznesenog predlažem da Sud donese presudu kojom se optuženi M. S. oglašava krivim za krivično djelo iz optužnice i izda sljedeći:

KAZNENI NALOG

Optuženom M. S. zbog krivičnog djela – Mučenje i ubijanje životinja iz člana 318. stav 1. KZ F BiH, se izriče

UVJETNA OSUDA

Kojom se optuženom M. S. zbog krivičnog djela – Mučenje i ubijanje životinja iz člana 318. stav 1. KZ F BiH, utvrđuje kazna zatvora u trajanju od 3 (tri) mjeseca, i istovremeno se, u smislu odredbe čl. 62. KZ F BiH, određuje da se utvrđena kazna neće izvršiti ukoliko optuženi u roku od 1 (jedne) godine od pravomoćnosti presude ne počinu novo krivično djelo.

U skladu sa odredbama člana 71. stav 1. tačka "e", a u vezi sa odredbom člana 78. KZ FBiH, jedna kombinovana lovačka puška marke (...) i 16 patrona call 16 mm i 6 metaka call 7x65R, imaju se oduzeti od osumnjičenog.

Na osnovu toga stavljam:

**P r i j e d l o g
dokaza koje treba izvesti**

REZULTATI ISTRAGE

Dokazi koji potkrepljuju navode optužnice:

KANTONALNI TUŽILAC